

桐鄉縣志卷第六

釋授文林郎知桐鄉縣事長興鍾廣華輯

名宦

官師之垂名必有實政一時之名可偽作百世之名信史猶後也先不忘於士民之口與其尸祝之心朱邑生爲大司農死命其子葬桐鄉謂我故桐鄉吏後世子孫奉嘗我不如桐鄉民胡安定爲蘇湖教授迄今兩地皆祠

之甚矣人心易感卽不易欺也栢邑名宦其載在舊志者大概据原文紀之惟百年以來治行教澤要自不少惜得諸父老傳聞者甚略殘闕之憾當次第補之誌名宦

周

王喬犍爲武陽人爲栢人令於此得仙

舊志接神仙之說固難盡信而裴秀

冀州記所載王喬爲栢人令見於史記封禪書注其必有據故錄之以備考官斯地者若能兩袖清風則仙令冷然猶可想見云

唐

王佐隴州人開元間令築千金堰浚萬金渠以疏積

濼興水利祀名宦

宋

侯蒙高密人第進上徽宗時知栢鄉民訟立決於庭
罰者不怨轉運使黃湜聞其名召詣行臺蒙以越
境不往湜怒他日行縣閱理文案欲致其罪無疵
可指始以賓禮見曰公真能吏也率諸使合薦之
歷殿中侍御星變疏十事悉納之西師失利上怒
欲寘五路將十八人於法詔蒙按問力爲申釋拜
御史中丞一日帝問蔡京何如人對曰使京正其

心術古賢相何加京啣之累遷刑部尚書同知樞
密院進中書侍郎卒贈開府儀同三司謚文穆祀
名宦

元

馮安邑之正元里人世祖時史天澤開府正定往從
之破武仙下河南授宣武將軍辛卯主臨城簿尋
遷高邑丞大德元年爲本縣令時遭變後流亡不
少所至多安集戍戍大饑發粟賑之一時全活甚
衆旣乃以狀上幕府以其能知周急之權不罪也

初武仙敗餘黨尚盤山谷間夜出剽掠卽率左右
馳捕遲明及之賊衆下馬入林安亦棄馬以短兵
踵其後叱之曰若輩爲百姓害久矣何惜微軀必
除害而後已毋走賊憚其威皆釋兵受縛晚喜書
史尤愛人誦溫公通鑑及左氏傳事有可記終身
不忘記名宦

張楫香河人仁宗皇慶二年由潞縣主簿尹栢下車
卽召問父老知徭役不均徵科無已最爲民病乃
爲書第民力強弱升斗之直一日之力必親徵焉

吏不能舞弊苗盛時有放馬驢夜食者暮使人於城門伺出牧踐苗者鞭償無犯政暇從一童子擊壺殮往桑田質民勤惰而賞罰之或易服入村落詢民病得吏奸卽時除之訟者開譬立遣上吏使理他邑獄者不絕邑人不知學乃勸趨社學躬爲訓導建輿築築道路百廢具舉自下車去任不取一錢且無一利不及民者三載代去民頌其德尚書元明善撰德政碑祀名宦

張真巨川人皇慶中知縣事縣當驛道繁劇真處之

裕如人有饋餉悉拒絕不受舊有社夫車牛老遺
無法真爲文簿按而用之交舉互見用出一手吏
不得夤緣爲奸有提領劉瑞者負小民路程債挾
勢不還反毆之訴於縣立追痛責延祐春帝師北
上朝觀所過索馬抗拒略無所憚縣北午橋皆潦
下地每秋雨泛濫行旅阻絕築甬路長四十里使
行者無滯又訓飭子弟教以農桑孝弟之事境內
遂爲樂土流民復業者百餘戶有廉訪僉事張鵬

翼碑記祀名宦

卷之六 名宦
皇仁宗皇慶止二年次年卽改元延祐前張樞以
皇慶二年來尹三載此又云皇慶中知縣又片延

補春索馬事兩人似
同時矣年號疑有誤

丑閻忠翊順帝元統初知縣事察民瘼省風俗以救
弊補過興利除害爲任期月之間風行俗化又興
學校益生徒而里豪恃禮者悉正法按之民知勸
懲之義栢人懷之立遺愛碑學士陳瀨撰銘祀名
宦

明

汪鉅陝西阜蘭人成化八年以鄉貢進士來知縣事
爲人溫雅濶略勇於行義政尚寬平不事篇數興

學校督農桑均賦役民賴以安又有強悍必經以
法又因循俗尚利男女失時諭之以禮民悉樂從
有貧不能葬者施以棺且賻以俸人甚感之尋以
憂去服闋謁選國子生李賓等詣銓部保復任政
聲益著邑人頌德前後各立一碑一署前一故城
鎮祀名宦

訾玉朔州舉人洪治十年任學諭志行高潔動遵禮
度不冠不見士日與諸生講解月終試別高下以
勸之貧士饋送者固却不受曰姑留易膏油爲讀

書之資可也以憂去士有遺思焉祀名宦

馬寫安邑鄉進士嘉靖二十五年由武強諭陞任精

明果決事可刃解未數月百廢俱興吏弊釐革殆

盡屢忤上官弗恤也廟學頽隘增拓改建煥然一

新射禮久廢重修觀德亭講習其中邑素寡儲多

方積蓄至數千石爲新建倉以貯之里書弊多隱

漏設法丈量得地五十餘頃刻石縣門某社若干

共地若干使人人通曉尤久大之利陞戶部主事

暨石阡知府祀名宦

王瓚洮州人嘉靖二十六年由滎澤訓導陞本學諭
慷慨豪邁義氣相許貧士婚嫁輒捐俸濟之又於
明倫堂前創建門坊見邑人褚宦碑記陞蘭州衛
教授祀名宦

李奎祥貴池人性愛梅號梅賓嘉靖三十六年任訓
導教人有法剖析不倦輕財好施未嘗以寒官自
嗇諸生極貧者濟貸無算不能娶者爲擇配畢婚
自置巨栢備身後事聞李生世芳親喪未葬卽以
賻之栢丞汪士宏卒於官傾貲爲辦喪事遣之歸

殞其前宿負並置勿道四十三年陞昌化諭去之
日諸生越境追送泣不忍舍爲立去思碑邑孝廉
褚宦撰文祀名宦

劉儲湖南興國舉人隆慶二年任節里費慎刑獄革
吏弊調驛遞尤留意學校因過王郎城得五城舖
馬蓮灘等處空地十頃有奇申請各上憲以二頃
四十五畝給諸生郡人宋儒記其事於碑

高等河南祥符舉人隆慶五年任栢令勸農教士皆
以實政蒞民入計京師爲不恪者誣論竟議改降

賚志沒於京邸卒之日無棺具同寮輸金以助旅
櫬過邑哭震閭巷婦穉皆相向失聲紳士魏賓等
爲卜地於城南路左繪像立祠捐田供祀每正月
初九日爲不諱之辰會幟盈塞萬歷中知縣張延
庭增置田十畝立石祠中記其事祀名宦

張延庭號左海山東濱州舉人萬歷二年尹栢天性
和易敷政惠愛不事苛削民有訟聽其自息邑有
馘散數輩旣懲之復假以自新蓋得寬猛張弛之
宜者順德境有盜夜殺人郡守欲移責於栢羅致

之直指且將論公矣公漠然不撓念士民共爭之不能拔會關中移牒證盜事按其狀果在順德遂上疏論守於公無累邑有囂訟數歲不休上官欲梏之死公廉其狀乃糾於法而卒生之歲魁公減膳步禱於郊雨至濡官服亦不少怠邑當孔道冠蓋旁午亦未見其有情容修築城垣拓舊基廣丈餘高逾三尺邑西卑濕橫溢爲患建長堤以障之疏濬槐河田禾沾利修文教勤考課己卯元馮嘉遇經魁張士敬咸甄拔自栢諸生有貧不能婚嫁

者皆周之在栢六載民受其賜自奉泊如也擢南
戶曹去士民如失慈母居六載來爲順德守過栢
老稚拜迎擁輿不得行皆曰今日乃復見我張公
也邑人立祠城北泚水之上祀之唐山王鳳竹高
邑趙南星有碑記後陞苑馬卿祀名宦

孔宏達廣東番禺舉人萬歷四十二年任爲人恂恂
謹飭有訟於庭者多以理論解之不罽贖下車時
當路方議革徵收投櫃以防有司之染指達性不
嗜利俸入之外不取一錢縣當通衢厨傳之費一

切付之典守者習弊盡滌課士勸農宣講六諭僻
鄉亦必親至二年遷王官去高邑趙南星爲序以
送之

喻思恂號醒拙四川榮昌人萬歷丙辰進士四十六
年來宰栢鄉多德政尤振興學校改泮池於櫺星
門前又分建道德坊於池之左右校士立社自爲
督課屆期親往命題館餼必腴其貧不能婚葬者
出粟飲之後置學田三十餘畝會調繁廣川去留
俸金遣學博置買呂兆熊撰文立石仕歷御史巡

撫兵部侍郎邑人於城北官道左肖像祠之

高重光字秀恒大寧中衛人由貢生爲栢鄉訓導歲
荒民作亂重光率健僕吳某出擊之賊潰城以完
叙功陞邱縣知縣廉而有威崇正戊寅邱縣被兵
百姓欲負之逃重光不可佩印赴井死祀名宦

本朝

牟廷選字薦揚號衡山錦州人順治三年任地當驛
道使客經過有乾馬貼馬之錢借牌枉道之弊一
切詳革比歲不登煮糜賑饑全活無算申豁地丁